



STATUTAS

(Ediziun 2026)

1. Num, sedia ed intent

Art. 1 Num

Sut il num Club da troccas Glion exista in'uniun el senn digl art. 60 e suandonts dil Cudisch Civil Svizzer e cun sedia a Glion.

Art. 2 Intent

Il club ha igl intent da promover e tgirar il giug da troccas sco bein cultural e da cumpignia. El vul far enconuschents e parter il plascher da dar troccas cun ses commembers. Entras seras da giugs, turniers ed ulteriurs arranschaments procura il club per occurenzas cun partidas plein tensiun e per divertentas sentupadas en emperneivla cumpignia. Leutras colligia el il seperfectiunar ellas enconuschentschas dil giug da troccas e la promozion il lungatg romontsch.

II. Commembranza

Art. 3 Commembers

Commembers sa scadina persuna naturala ni giuridica daventar che sustegn las finamiras dil club.

Art. 4 Recepziun

Sur dalla recepziun da novs commembers decida la suprastanza.

Art. 5 Extrada ed exclusiun

L'extrada ei adina pusseviva sin communicaziun a scret. La suprastonza sa excluder commembers che cunterfan als intents e las finamiras dil club. Cun l'extrada ni l'exclusiun d'in commember piarda quel tut ils dretgs viers l'uniun e sia facultad.

III. Organs

Art. 6 Organs

Ils organs dil club ein:

1. la radunonza generala
2. la suprastonza
3. il revisur/la revisura

Art. 7 Radunonza generala

La radunonza generala ei il suprem organ dil club. Ella ha liug silmeins ina gada ad onn egl'emprems quartal. L'invitaziun cun la gliesta da tractandas ei da tarmetter a scret 20 dis avon la radunonza a scadin commember.

La radunonza generala decida sur da:

- l'approvaziun dil protocol, dil rapport annual e dil quen annual
- l'elecziun dalla suprastonza e dil revisur
- la fixaziun dallas contribuziuns dils commembers
- midadas da statutas
- sligiazion dall'uniun

Art. 8 Suprastonza

La suprastonza secumpona orda tschun commembers, numnadamein ord il president/a, igl'actuar/a (era vice-president/a), il cassier/a e dus assessurs. Ella meina las fatschentas currentas, exequescha las decisiuns e representa il club ordlunder. La perioda d'uffezi cuoza mintgamai dus onns, ina reelecziun ei denton absolut pusseviva.

Ils commembers da suprastonza han il dretg sin indemnizaziun da spesas.

La suprastonta astga disponer mintg'onn sur da 500 francs.

Il president suttascriva mintgamai ensemen cun in ulteriur suprastont/a en num dall'uniun.

Art. 9 Revisur

La radunonza generala elegia mintgamai per dus onns ord ses commembers in revisur/a che controllescha il quen annual e rapportescha giudlunder alla radunonza generala.

IV. Finanzas

Art. 10 Mieds finansials

Ils mieds finansials secumponan ord contribuziuns dils commembers, donaziuns, gudogns ord occurrenzas ed auters recavs.

Art. 11 Responsablidad

Per las obligaziuns dil club sto sulettamein la facultad dil club star buns. Ina responsablidad persunala dils commembers ei sclausa.

V. Determinaziuns finalas

Art. 12 Midadas da statutas

Midadas da statutas pretendan il consentiment da duas tiazas dils commembers presents alla radunonza generala.

Art. 13 Sligiazium dall'uniun

La sligiazium dall'uniun sa vegnir decidida entras duas tiazas dils commembers presents alla radunonza generala. En quei cass va ina eventuala facultad dil club ad ina instituziun cun semeglient intent, cass cuntrari all'ARGO a Glion.

Art. 14 Entrada en vigur

Quellas statutas van en vigur cun l'approbaziun dalla radunonza generala dils 15 da schaner 2026 e remplazzan las statutas dils 21 d'avrel 2022.

7130 Glion, ils 15 da schaner 2026

Suttascripziun dalla suprastonza:

Stavri P. Meutzel
R. Calloman